



# *Bei so an gmiatlichen Beisommensein*

*Verfasser: Betina GROBBAUER und Christina GRILLITZ*

*Bei so an gmiatlichen Beisommensein  
Bei Keksen, Kuchen, guaten Wein  
Do follt an wirklich monches ein.*

*Vur an Johr homma noch nit gwußt, wos auf uns zuakumman wird,  
Wos olles zu an echten Höhlenforscher ghert.  
A bissl Verrucktsein ghert holt dazua –  
Deswegen kregma von Eich noch long noch nit gnua!*

*Ongfongen hot die gonze Gschicht  
Recht merkwürdig – so aus unserer Sicht.  
Gfohrn samma auf a Rafting-Tour  
Dos wor recht aufregend – doch für uns noch nit gnua!*

*Beim Hamfohrn homma donn a Ruine entdeckt.  
Des hot erst unsere Abenteuergeister geweckt.  
Unserer Mankalan hom glei so bled gschaut:  
Wir hobn sie stehnlossn und san in an unterirdischen Gong obghaut.*

*Des wor so sponnend und so gfährlich,  
Also mir miaßn Eich sogn – ehrlich:  
Den Burschen wor des nit geheuer.  
Aber für uns hobn sie begonnen – unsere Tina+Tina Abenteuer.*

*Unsere Eltern worn do total dagegen.  
,Dirndlan, Ihr sollts Eich liaba an Monn zualegn.  
Herts auf mit dem Bledsinn – jetza reichts!  
Wos homma davon, wenn ihr so die gonzn Männer verscheichts...'*

*Und genau des hot uns donn auf die Idee gebrocht,  
und wir hobn Euren Verein ausfindig gemocht.  
Am Anfang war des noch geheim.  
Hobn gsogt: Wir san bei an Schwammerlsuacha-Verein.*

*Gsogt hobn sie: ,Des ist endlich amol wos gscheits, wos ihr do tuats –  
Do kennts Eiren Männern wos kochn, wos Guats.  
Probleme an da Gschicht hot uns nur gmocht,  
Dass mir nie a Schwammerle hobn mit ham gebrocht.*

*Doch donn hobn sie angfongen unsere ersten Höhlenabenteuer.  
Am Anfang miaß ma zuagebn wos uns nit gonz geheuer.  
Doch wir ma unten gstondn san in dieser Märchenwelt,  
Samma draufkumman, wos im Leben wirklich zöhlt.*



*Wenn so wos schon amol siegst,  
Is da wurscht, ob stehst, kriachst oder liegst.  
Doch des Höhlenforschen is es nit allan.  
Warum ma so gern mit Eich beisommen san.*

*Ob ma mit Eich Dias onschaun,  
Oder in Taipana auf'n Putz haun,  
Ob ma auf an Bam hängen,  
Oder uns mit vereinten Kräften ins Steigzeig zwängen.*

*Mit Eich konnst einfoch Bledsinn mochn.  
Singen, Tonzn, Trinken, Lochen!  
Wir wollma jetzt nit kitschig werdn:  
Wolln Eich nur sogn: Wir hobn eich gern*

Weihnachten 2003




Foto: Andreas Langer  
Höhlenweihnachtsfeier Deutschmannlucke 2003  
Christopher Langer

# ZOBODAT - [www.zobodat.at](http://www.zobodat.at)

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Höhlenforschung Kärnten](#)

Jahr/Year: 2003-2004

Band/Volume: [25](#)

Autor(en)/Author(s): Grobbauer Betina, Grillitz Christina

Artikel/Article: [Bei so an gmiatlichen Beisommensein 26-27](#)